


民國叢書

第四編

• 86 •



民國叢書

第四編

· 86 ·

新華書店

邵念魯年譜

厲樊榭年譜

全謝山先生年譜

牛空山先生年譜

吳松厓年譜

林文忠公年譜

孫詒讓年譜

皮鹿門年譜

姚名達著

陸謙祉著

蔣天樞編

蔣致中編

王文煥著

魏應麒編

朱芳圃編

皮名振編著

上海書店

蔣天樞編

全謝山先生年譜

中華民國二十八年二月初版

(GATOR)

中國史
學叢書
皮鹿門年譜一冊

每冊實價國幣陸角
外埠酌加運費

編著者 皮名振

發行人 王雲五
吳沙南正路

印刷所 商務印書館

發行所 商務印書館
各埠



(本書校對者姜佐禹)

本書據商務印書館1930年版影印

序

浙東全謝山先生，承黃梨洲萬季野之後，而遠就於東萊厚齋，自闢涂徑，卓然一家之學，爲雍乾間東南史學大師。生平抑塞困頓，著述不輟，最深於晚明史實及地方掌故之學，於宋元來學術史之源流，漢晉後地理之訛謬，抉摘指正，尤所致力。其宋元學案，不徒廣續黃氏之舊，發微闡幽，有爲七百年來儒林所不及知者。其七校水經注，則趙一清戴東原之先河也。浙東爲明魯王延一線之寄，先生殫心竭力，收羅其史料而表章之，近世治晚明史者，受益於先生尤多。先師新會梁先生嘗謂：謝山於晚明文獻之外，最悉宋迄清初學術思想之流別，其持論或較梨洲尤博大平恕，而精神所託，則在浙東。先生蓋深知全部學術，非一人之力所能壘斷攬舉，故於鄉邦耳目所接最親切者盡心焉。此點亦其治學精神所最可法者也。顧其著述浩繁，非瞭然先生事跡心志，治學方法，無以窺見全書要領。董氏舊譜，缺略特甚，爰就謝山全部著述，潛心探索，旁及先後

有關係各家文集方志之屬，互相鉤稽，博采要刪，纂成今譜，使讀者對謝山人格及當時環境，有所認識，而先生在清代學術界之地位，亦可藉以考見焉。嘗以先生生平可略分四期：辛亥以前，彈志前修，殘明風節，得之耳濡目染，慨然以表章爲己任，此一時期也。由壬子至丁巳，家貧親老，勉徇微祿，曠志忤俗，大科見放，讒邪害能，翻然南歸，此又一時期也。由戊午迄丁卯，雙親繼歿，椎牛莫逮，碧血祕籍，紛綸間出，芳躅未遠，起桑梓敬恭之思，遺獻淪亡，感杞宋無徵之懼，董理舊聞，炳諸日月，復睠懷於證人之墜緒，顧黃之大業，補學案，校水經，期竭晚年精力，貢獻於學問，而飢寒驅人，終歲僕僕於淮陽武林間，此又一時也。由戊辰迄乙亥，衰年多病，治學兀兀，憔悴心懷，乃思藉手陶植，廣閱素志，掌教於叢山，掌教於粵東，以去短集長，和同受益，相詔語，講學未久，抱病還歸。病榻沈綿，猶復窮思力索，探討水經之誤，愛子夭折，遂亦奄忽不起，中年凋謝，所蘊未申。此一時也。以先生之遭逢如彼，而所成就已如此，覽先生身世者，所爲慨然也。歿後數十年，遺著始次第刊布，而糾紛層出，辯難相尋，永經注趙戴相因之爭，杭大宗私據鮚埼亭集之案，今各就收羅材料，別爲著述考一卷，期於年譜互相發明，亦他日著錄家之一助也。民國十九年六月識。

全謝山先生年譜

卷一

先生姓全氏，名祖望，字紹衣，表亦作齋，號謝山，亦自署鮎埼亭長。

迎鑾新曲題詞，昇春草園小記。

雙韭山民。

道古堂修

川集序 愛孤山社小泉翁。

韓江雅集

學者稱謝山先生。浙江寧波府鄞縣人。全氏所自出，已無可考。

答族人祭始祖以下書：吾家得姓受氏之祖，已無可考，其居鄞之始祖，自侍御府君始，其暨於今，二十四傳。

著名於舊史者，自東漢桂陽太守柔始。其子

大司馬錢塘侯琮，以勛伐起孫吳尚主，故全氏著於江左。宋太平興國中，侍御諱權者，由錢塘

來卜居鄞城南之桓溪。

先曾王父先王父神道碑銘案詩集自注：遷鄞之始祖諱權者，曾結孤山社，其寓居在杭城東。

辨香家啓東墓志世系與屬笑謝：先侍御公始由錢塘遷南上，其弟

與始由甬上分山陰。山陰之支六世：先太保唐公安民之子曰備，是生思政，思政之子曰璧，月泉吟社所稱泉翁者也。冬育義士祠祭議三與紹守杜君：先泉翁諱璧，字君復，太尉永堅之從父也。宋時曾官祕閣，晚年

遷居杭之城東，所稱孤山社遷初子者也。其詩見龜羽月泉吟社中，尤與剡源善。宋蘭亭石柱銘：宋之初亡也，戊寅六陵之難，遺民鬼戰，嗚咽流泉，護雙經於竺園，在新寺也。其時先泉翁尚未遷杭，其於唐林館

公，固吟伴也。冬育之地主，即在吾家，而今趨莫之能徵矣。十六傳至文瑜，遷居城中湖上。文瑜生子政，政子元立，字汝德，號

九山明永陵中官工部侍郎，以不肯草西內青詞，外遷陪都。

趙東潛水經注遷驛引用各家本下，有金氏雙非山房舊校本，注云：全侍郎元

立，字九山；孫天敘，字伯典，亦官侍郎，天敘之從孫吾驥，字北翥，三世校之。今翰林祖望其孫也。先生乾隆癸巳展謁先司空公墓詩：青天白日先臣節，長水高山故國恩。猶有賜田環丙舍，敢將薄祿玷清門。

元立生和州同知少微，字隱之。少微生應山，知縣天授，先生之高王父也。

曾祖諱大和，字介如，一字于石，號他山，天授長子。國子監生。

世譜崇禎中以薦舉入京，見時事日

非，不求仕而歸。三子俱卒，無嗣。以弟大程子吾驥爲後。

本生曾祖大程，字式躬，一字襄孫，天授第三子。府學生。魯監國時，參與莊元辰、錢肅樂幕府，官

太常寺丞。事敗，攜子避地東錢湖之童壘。高隱學歎曰：謝臯羽棄其子隱，終身不相聞問；鄭

所南則無子，未若全氏之駢聚也。康熙六年丁未病卒，年六十。

續甬上耆舊集傳：乙酉（明）福王宏光元年。清順治二年。是年清兵陷南京，執福王。唐王立

於福州，是爲隆武帝。江上出師，太常莊公邀與城守軍事，授尙寶司丞，復與瓜里幕府。丙

戌（明）唐王隆武元年。清順治三年。是年清兵取福建，殺唐王。明桂王卽位於廣東肇慶，是

爲永曆帝。正月，遷太常寺丞，以所言不用，投劾東歸。航海之役（順治六年乙丑明）魯王

走舟山。追扈不及，棄家逃入東錢湖窮山中。然尙與董幼安輩通消息。戊子，幾罹五君子之難。辛卯之後，順治八年，滄洲破，張鯢淵闔門死節。屏絕人世，城居爲卒伍所踞，家業蕩盡，不問也。丁酉，以不得已事至禾中，恐衣裳爲關津所訝，乃以黃冠行，然終悔之。曰：豈有道人而尙走風塵者！自是不復下山。又十年丁未，病卒。得年六十。自遭國變，後始爲詩。癸卯，漢緬信至，明永明王永曆十五年，卽順治十八年，緬人執永明王送吳三桂軍，明遂亡。癸卯爲康熙二年，其信始至鄞也。又哭從子，遂絕筆。故所存薄杜亦作吟一卷，不滿百首。祖諱吾驥，字聿青，一字北空，大程長子。生於崇禎二年己巳。年十七歲，從父在幕府，議授官，力辭。

續著舊集傳：乙酉六月，太常在錢莊二公幕府，大父年十七，從行。議赴部堂授官，力辭。已而事去，絕意進取。

及侍父避地東錢湖，施公子宗珩，杜秀才懋俊，王評事家勤，以山寨應馮京第軍。事洩，王評事走公家，太常適外出，吾驥匿之，勸其伏處觀變。

續苦舊集傳：丁亥王評事與施杜管江之師頗通消息，未幾大兵四合，評事出走，投止余家。太常適外出，大父請評事伏山房以觀變，評事欲赴海上，一飯遽去，中途被執。太常思舊館詩云：蚤能聽孺子，或得脫蘆中。蓋謂此也。

事定返城居，藏書蕩盡，終日危坐嘯咏，或臨風隕涕。

兩浙輜軒錄載秋蕉詩：疎鐘足清夢，冷月下殘更。細細吹疎影，冷冷作雨聲。客心蟲語咽，天意海雲明。耿耿竟何事，空堂遶榻行。

性至峻，不肯妄交一人，以是窮益甚。

續苦舊集傳：大父與黃大令道宏爲中表，少同學。大令貴，大父以出處既異，往還甚簡。及先和州公墓田爲豪強所奪，大父歎曰：是非士室柴車人所能及也！遂不詣有司，泣血而已。大令慨然直之有司。大父往候之而不謝，大令亦絕口不及之。

晚年與陸春明輩倡詩社於里中。

先曾王父先王父神道闕銘：湖上有不波航者，陸氏之詩樓也。王父與李昭武輩遊其上，日

唱調焉，望見之者皆以爲咸淳以上人也！

陸雪橋傳，春明方輿記故事於湖上，故錦衣哥神余公生自燕來，黃山宗正庵蛟川范香谷同里，蕭曉山葉天益皆集

焉；而雪橋最少。觀日樓者，春明之居也，雪橋與五人者，靡日不至，以大約古韻交相勗。語者，默者，流觀典冊者，狂飲作白眼者，痛哭呼天不說者，皆見之詩。

卒於康熙三十五年丙子，年六十八。著有聽濤樓集。

光緒鄧志藝文三有全吾騏驎方氏事略藝文七有全吾騏驎聽濤樓集

李文積聽濤樓集序：北空之詩，蒼涼酸楚，寫其心，寫其照，宛在目前，故國之音，鏗然欲絕！

父諱書，字吟園，吾騏仲子。

案先生有仲父名馥，雍正十二年卒於京師。又續者舊集陸文虎傳云：先伯父友仲先生求得其殘本而鈔之。是先生尙有伯父亦早卒。

甫舉而母歿，父親育之。稍長，課以鈔書。

雙韭山房藏書記：難定，先贈公授徒山中，稍稍以束脩之入購書。其力未能購者，或手鈔之。

先君偕仲父之少也，先贈公卽以鈔書作字課。

少隨父周旋諸遺民間，所得故國軼聞遺事甚夥。

林繭菴遺事狀：先公嘗曰：吾年十五，隨汝祖往拜公牀下，自是常振衣請益。每問及桑海諸

公遺事，必舉數十種野史或文集以證之。嘗語吾野史之難信者有二，彭仲謀流寇志，譚錯十五，出於傳聞不審，是君子之過；鄒流瀟所作，則有心淆亂黑白，是小人之過，而綏寇紀略爲流瀟所竄改，深爲可恨。先公問曰：然則公曷不著爲一家，以存信史。公笑不答，蓋是時公方有所著而諱之。自公歿，所謂繭菴遺史者缺不完，其詩史四卷，今歸於余。以經術教授里中，精考索。生二子，長祖謙，最慧而夭，先生其仲子也。

清聖祖康熙四十四年乙酉（西曆一七〇五）先生生。

上距顯寧人之卒二十四年，黃太冲之卒十一年，萬季野之卒四年。

正月初五日亥時，先生生於鄞縣白檀里月湖之西岸先世宮詹公故宅。

著譜案鄞志：白檀里在鄞縣城內西南隅。四

明談助：湖上全氏，始自文瑜。九山侍郎，建第於新街。學士移居陸尚書第。謝山祖父亦寄居新第中。又案鄞志：全學士宅在月湖之濱，翰林學士全天敘所居，五柱堂以奉宸翰，綦窗則燕居之室也。先生詩云：五柱堂前桂，雲光五色寒。思多從鶴禁，書倦記龍輪。錦里圖書散，綦窗竹石殘。鳳毛零落甚，珍重世輪看。自注云：東城市井之區，自景迂過化，文明遂啓。不數十年而慈湖出焉，則陸子之高座也，瑤叔則呂子之高座也，李朝敷元白則慈湖弟子而又永嘉高座也，靜清則朱子之世嫡也。南宋儒林，五派俱萃於此。

案先生母蔣太夫人生於康熙十一年壬子，二十五年庚午年十九，歸吟園公。是年三十四歲。吟園公生於康熙二年癸卯，年二十八蔣太夫人來歸。是年四十三歲。

小字曰補。

案黃氏云：有兄祖謙，六歲而殤，太夫人哭之哀，忽張目曰：勿哀，吾當再來補之，後十年生先生，亦靈甚，故小字曰補。

太孺人行述：太孺人之舉不肖也，外大母疾已亟，日夕侍側，臨產始歸。產之十有三日而外大母逝，先公與蓼崖先生祕之，不以告。既逾月始知之，驚慟絕而甦者七，於是復大病，治之一年而癒，自是連舉弟妹皆不育。

案詩集兒昭德生浹旬詩：昔我墮地時，百疾相纏縲。或言此蒲柳，諒哉難望秋。北堂長涕泗，夢寐含焦愁。

李二曲顯卒。

康熙四十五年丙戌（一七〇六）二歲。

康熙四十六年丁亥（一七〇七）三歲。

慈谿葉伯玉鄧范起鳳鎮海張月懷等，祕署職銜，謀不軌，事覺伏誅。張念一聚衆大嵐山，官軍

擒斬之。

明州聚年錄。

光緒慈谿縣志：康熙四十六年，慈谿葉伯玉挾朱三以煽動東南，其黨董采旂及鄞縣范起

鳳鎮海張月懷等私署職銜，謀不軌，約日破寧波城。事覺，起鳳月懷被獲，伯玉脫走。會慈谿土賊葉天祥、縣張念一念二聚衆大風，十一月朔，自車廄渡江，駐道場山。官軍迎擊，不利，遂乘勝從餘姚渡曹江，復至大風。後二張奔蘇州，天祥奔廣東，旋董春園采旂及二張皆爲邏者所得。

康熙四十七年戊子（一七〇八）四歲。

太公吟園先生親課之，粗解章句。吟園先生曰：是子雖不逮其兄，然亦可兒也。

案董氏據先公墓石蓋文謂課以四子書諸經云云，恐非是。原文謂：「不肖年四歲，先公親課之，粗解章句。」蓋年齡稚弱，甫能辨句讀耳。

先公墓石蓋文：先公之舉不肖最晚，而不肖少多羸疾，先公憂之。嘗與吾母太孺人挑鐙相對，舉柳河東與許孟容書，謂行年四十有奇，春秋祭祀，隻影煢煢，懼此貌孤，弗克成立！未嘗不潸然淚下。不肖年四歲，先公親課之，粗解章句。先是有兄祖謙最慧，甫就塾，卽遍通諸經大旨，六歲而殤，先公哭之，幾成心疾。至是歎曰：是子雖不逮其兄，然亦可兒也。

吳慶百農祥潘次耕未卒。

康熙四十八年己丑（一七〇九）五歲。

鮑鈔知長興府事，時年二十。

朱竹垞彝尊卒。

康熙四十九年庚寅（一七一〇）六歲。

是年京師獲朱三父子皆棄市。俞樾金紀事。

王崑繩源卒。

康熙五十年辛卯（一七一一）七歲。

冬十月方望溪以南山集事牽連赴詔獄。是時在都御史趙申喬劾編修戴名世所著南山集。

語多狂悖，望溪以作序被逮下江寧獄，旋解至京。方望溪年譜案望溪是年四十四歲。

王貽上士禎卒。

康熙五十一年壬辰（一七一二）八歲。

正月，刑部題請汪瀕方苞俱應立斬。方正玉尤雲鵲聞，拊首應發，往寧古塔劉巖革職。

蔣氏東華

錄案此與先生所記不同，江浙兩大獄記：九卿會鞫，戴名世大逆，法至寸磔，族皆棄市，未及算者發邊。朱書主源已故免議，尤雲鵲方正玉汪瀕劉巖余生方苞，以謗罪論絞。諸經之外，兼讀

通鑑通考諸書。秋社過樓外，極管絃燈火之盛，不一顧也。

案自此年至丁酉當皆吟園公授讀。

先公墓石蓋文：年八歲，先公於治經之外，授以通鑑通考諸書。講畢，撫摩而時其寒熱，呼太孺人賚果餌焉。

太孺人行述：不肖雖多病，而稍間則先公課之甚嚴，爲講漢唐諸箋疏通鑑通考諸書。先君有事，則太孺人攝講席焉。

與友人絕交書：某少時從家君子受禮記正義，至「原壤之母死，登木而歌，孔子若爲弗聞也者而過之。」曰：『是非夫子之言也。』所貴乎聖賢者，植天經地義，曾有彼自忘其父母，而我尙念故舊之誼者，是非夫子之言也。『家君曰：善哉，儒子之問也。』檀弓多誣聖，先儒言之詳矣；顧於此條未有及者。但卽以爲聖人果有此，則不磷不淄，唯聖人乃可；若學聖人之博大，而自流於比匪之傷，此斷不可者，孺子志之。